



La Val mët al sigü la devënta cuntra le San löre purmó sön le tert tl secundo tēmp.

I ladins se stënta cotan cuntra l'ultima forza dla tlassifica, la determinaziun de urëi i trëi punc ne é nia stada al altëza dles ultimes partidas. Bele tla partida de retüda de Copa Provinzia é la formaziun de Hilber gnüda sotmetüda dal San löre y ince in chësta ultima dumënia á i pustri tigní bót cina püch dan le sciür dla fin. Por dütt le tēmp de jüch ne pon nia alzé fora n gran numer de ocapiuns, sides da üna pert co dal'atra. Ala cherd'ora vëgn le atacant Samuel sorví cun n palé alt mo la trata de jenëdl ti röia tles mans al portier. Al 20[^] antizipëia Stefan le defensur al limit y prô na trata de forfesc sön le pé de porta lunch, le un da San löre reagësc cun na gran parada. Deplö trates de puniziun, ince al limit, da pert di ladins ne vëgn nia anuzades sciöche al alda. I padruns de ciasa va tosc te cabina por la palsa, impaziënc a sbloché le resultat.

Le pröm tēmp se stlüt jö sön le resultat de 0-0

I ladins scomëncia n secundo tēmp plö determiné cun n jüch plö offensif. Le bun momënt cun le palé che roda ma plö tl mezciamp aversar, fej speré tl vantaje. An mëss indere aspeté le 70[^] por spié les ocapiuns por deslié le grop. Stefan se presentëia ala trata de puniziun y atoca le pé estern de porta. Püc menüc dedô, plö avisa al 75[^] é Adrian che se fej lerch te area aversara y vëgn contrasté dal verdaporta, le mandl fosch sciüra y mostra por chësc le punt di önescmetri. Al é le defensur Marco Castlunger che tol cun dezijiun le palé y se presentëia dan le un dl San löre. La trata sigüda y de prezijiun dlungia la stangia ite fej balé la rëi por le vantaje. Ti ultims menüc regnëia sön le ciamp n gran nervosism y la direziun arbitrala vëgn insciö metüda a düra proa. Por fortüna alden tosc le sciür dla fin che ti assicurëia la devënta a La Val. Cun na prestaziun nia otimala resta a La Val inant a ciaval adüm al Gais y se preparëia a stlüt jö bun le campionat da d'altonn chësc fin dl'edma.

La Val – San löre Junior 1-0

Formaziun La Val: 1. Josef Kantioler, 2. Paolo Vallazza , 3. Werner Sottara, 4. Marco Castlunger, 5. Christian Dapoz, 6. Freddy Sottara, 7. Franz Tolpeit (dal 80^ Egon Frenes), 8. Michele Campeï (dal 75^ Felix Nagler), 9. Samuel Winkler, 10. Stefan Sottara - capitan, 11. Alexander Miribung (dal 70^ Adrian Miribung)

Goi por La Val: Marco Castlunger al 75^

Proscima partida: *In dumënia ai 29 de otober dales 16:00 ite a Gsies cuntra la squadra de ciasa*

Atri resultat:

Juniores (Val Badia): Vahrn – Val Badia: 9-0

Allievi (La Val): Burnech– La Val: 7-1

Giovanissimi (La Val): Mareo – La Val: 2-2

U11 (La Val/San Martin): La Val/San Martin – Obopuschtra Löwen: 2-1

U10 (San Martin / La Val): Burnech brüm – San Martin/La Val: 1-0

U8 (La Val): Burnech brüm – La Val: 4-1, Vahrn – La Val: 7-1, Burnech vërd – La Val: 3-2